

Christ, itil kalthshint lth gudung.

Christ, itil kalthshint lth gudung.

Shalana, itil kalthshint lth gudung.

Shalana, itil kalthshint lth gudung.

¶ *Itan nung lipletgas isgien, tl haada ishin, Shalana
gia singlthgang gushue shudāashang.*

Itil Aung, sha dung isis, ak'won lth kyang kwo-
yadi. Ak'won lth kingdom-gai althgwi ga ung-a
isdi. Shagai un dung guduns ging-ān lth hētligai un
gudung. Shantlan wautliwon lth sing gut tou itil ga
isdi. Itil daung-as ishin kalthshint lth gudung, itil
un ga da-ung-asgai kalthshint talung guduns ging-
ān-a. Gum lth ga da-ung-asgai shu-wi itil istaldang,
waigien gin da-ung-a sta lth itil kogundi. Amen.

Liplet. O Shalana, itil da-ung-as ging-ān lth gum
itil islang.

Tl haada. Itil da-ung-as ging-ān lth gum itil ga
giashou-ang.

Singlthgang talung gushudsun.

O Shanung-itlagadas, Aung k'ung-gudung-as, yenki
ga gudung-ai stilthsgai isgien, yenki ga gudung-ai
st'isgai ishin, gum ga dung gwou-ang-gung; tlistleu-
on itil gudung-ai lthkwidas gien, taim wautliwon gin
da-ung-a itil a isisdlu, dung ā singlthgang talung
gushusdlu lth itil da tlāad; k'ung-gudung-ang alth itil
kil gudung, a gin da-ung-as hetgwaulana isgien tl
haada ishin itil ā kilitsgai da guduns, ging-gang-an
elgai una; waigien dung k'ung-gu-dung-euons alth
itil sta dung ginlthkutung-ai una; dung gitsadalung
itil isis, tlan tl haada gin shing-idsa itil andundas gien,
dung-gia churchnagai las ā talung kilāgi-ishang;
Jesus Christ itil Shalana agunan-a.

*O Shalana, gia-ang-a lth itil da ad, waigien lth
kyang agunan itil kogundi.*